

平

庵

悔

稿

平菴悔稿卷十二

括蒼項安世平甫著

七言絕句

偶得二首

水邊楊柳禿籬沙路上寒梅噤未花
欲識乾坤生物意桑根麥子已含芽

雪中春到梅花覺水底冰行人未知珍
重天公好消息道今通古要何疑

和趙司戶尋梅桐原菴

王孫寶馬七香車不似吟鞭跨蹇驢
少待綠陰青子下
與君扶杖轉鳴渠

桐原花下不容車
辛塵疎簷竹繞閣
可憫傳呼青影裏
人聲浩浩屋梁渠

東齋

桃花不解言前事
願盡還須記舊人
惟有軒前舊移竹
向人憔悴似相嗔

松陽南巖夜歸

走下南巖踏黑歸蒼林擁遙白光微馬湖橋上消搖甚
飛度前村露滿衣

二十四日看山

日日憑與看遠山不知行處是峯巒他山亦有癡人看
却向儂家行處看

釣臺

數仞山頭一小亭只消此地過平生崎嶇狹世纔伸脚

三
已被劉郎賣作名

君房足下竟成諛只是韓歆已破除豈有江湖釣筆手
為君臺閣奉文書

秋懷

有營何日得無悲無欲無時不自宜竹影一窻泉一曲
山齋非是愛吟詩

秋水迢迢詩思清秋陽杲杲道心明
誰人得似秋光巧
畫出山齋杖履行

中秋無月

青天碧海路悠悠
兔老蟾飢亦倦遊
鎖定玉樓雲不卷
兩街燈火作音中秋

脫葉

綠陰時節紫爭飛
投分青蕪更不疑
橫被蛛絲禁得住
舞風一片獨多時

富陽道中二首

雲放天開雪欲晴
檣聲爭出滿江鳴
牽繩直上高崖去

想見瞿瞻百丈行

一帶江流兩岸山
玉花珠髻滿雲鬟
一聲鳴櫓俱回首

小杜舟中醉眼看

借韻

臨安道中見壁間書字六由左行者為四川驛路
只道成都路八千誰知從此使西川行人一見成深省
大道多歧穩著鞭

牡丹初開

東君環轍百花間
次第行春到牡丹
蜂嘯暗花春不覺

一枝先破紫金盃

天申節錫宴戴花

泥金撚鐵綴花枝
淺白深紅映酒卮
回首瓊林真一夢
插花還似去年時

行香退過南湖主人未起

夢裏敲門報五更
雨中行轎到天明
若為得似張公子
臥聽穿林打葉聲

晚荷

傲傲翠袖舞寒塘無復當時婉婉妝蕩子遊娃俱不到
倚風搖月自生香

留別南湖二首

老夫夢識南湖路水檻山堂處處通若有新篇無告訴
不妨題寫寄江東

九重城裏塵如海只有南湖一片霜若向南湖談世事
老夫只得去池陽

蘭溪道中二首

征人頽熱共占霜忽報冬溫是雨祥
正向愁邊聞吉語
三霜雨假是尋常

一夜清霜逗曉晴
桑林脫葉似灘聲
雲邊恰有鷺鷥過
直作灘頭細櫓鳴

轎中聽雨

急雨淙琤打轎簷
綠荷聲裏下湖船
時時更把山樵喚
岩住香中八月天

順風過湖二首

帆影如醒左右傾水聲似戰聒天鳴傍人只道船行快
不道船中客更驚

維舟六日傍明山待得風來始破顏一抹平湖三十里
聽渠微橫去聲未須關

元蝶 荆人呼為黑老婆

腰肢可愛紅娘子俗謂小紅蜻 面目無情黑老婆世上
但知憐少艾雙雙飛舞奈渠何

入湖北界

丹楹白扁照人開，湖北封疆直面來。
入得界頭歡喜倒，恰如身已到荆臺。

曹橋

聽得鳴鳩逐婦聲，行人相顧各心驚。
夜闌雲散天如洗，乞得曹橋一路晴。

上鄂州黃鶴磯

黃鶴磯頭水似油，趙陀埽上石如鉤。
舟人上得休誇客，曾過人間五百流。

黃州赤壁下

杜牧談兵語未公，都將事業付東風。
三江不見劉玄德，已覺曹瞞在掌中。

武陵江上漁舟

家居堤下土平簷，人在江中天許船。
正瀟半生事方足，有人狂夢欲登仙。

次韻羅鄧州送別

江上相留不肯留，渡江松岸却回頭。
漢江東去人西去。

不見高城始是愁

壕頭入衡山界

亂木林中微有路
雨山峽裏欲無天
前頭似向夔州去
應有西川未了緣

次韻衡山徐監酒同考府學試八首

起衡州人

詩裏無悵久自知
意來聊復寄於斯
要知風節高多少

萬事如今總似詩

徐詩云古人
風節古人詩

少時疊疊著新功
老去蕭蕭漸秃翁
辜負平生好師友

納湖雲谷兩仁翁

納湖張先生
雲谷朱先生

世間無事可關心，只有豐年願最深。
春早慙人頭欲白，朝來一雨萬黃金。

欲濃還淡雲容碎，似見如藏日影微。
賺得鳩聲長又短，不知雨意是耶非。

燭地燈枯夜漏殘，眼眵腰折叻聲乾。
上牀一覺江南夢，放艇高歌七里灘。

南州門戶到雲來，猶有詩情出九垓。
憐我風簾鑽故紙。

借君月露洗黃埃

夜久看書眼倍明
春來覓句思偏精
不嘆科舉遺佳士

更把時文教後生

徐以特奏
名出官

祝融峯下築糟邱
此段輸君第一流
誤到塵中踏塵土
却思江上駕漁舟

鄂州道中見刺玫瑰花

醉醺雨後飄春雪
芍藥風前散曉霞
一路繁香伴行客
只應多謝刺玫瑰花

二十三日阻雨鳴陵驛因寓道中詩寄羅鄂州

橫吹逆洒斷人行破驛孤眠又一程
寫得吳箋寄長壽無情風雨却多情

善謔驛淳于髡墓工有木斜出口占

秦人磨斧闢山東七澤青邱入夢中
齊楚君臣正行樂辟宮除道送金籠

題鹿門山絕頂升雲亭

上到山頭十八盤貪高不計足心酸
年來學力荒唐甚

羞向升雲頂上看

步上黃羅嶺

牛頭鶴弄漫虛傳未抵黃羅路刺天曳杖徐行吾自樂
世間何地不平田

入普州

過盡昌州無數山山開地辟見平田田中有麥元無米
比自昌州却可憐

普州田雖多不
若昌州之出米

七月二十日被檄考試出門

阿婆少也不如人更說秋來白髮新
欲按新聲忘舊譜
畫鸞歌扇久生塵

瓊林花底散遊鞭
回首長安十八年
羞把文章對年少
老夫衣鉢不堪傳

次韻黔陽王令論詩五絕句

洞庭五百里巨浸
衡岳七十二高峯
不是公家祿樣筆
個中施手若為容

舊日輞川圖上翁
而今孫子尚家風
如何寂寞黔陽去

五雨青綸一詠宮

驪珠一百二十六落紙輕圓字字同
怪得春來全少雨
烟雲都在錦囊中

見說吟哦三十載從來此事一生功
勸君莫用雕鐫得
只恐今人晚更窮

我亦童年學露蛩老來留眼送歸鴻
自從謝絕曹劉後
浩蕩春光滿入空

亭午熱甚過石子潤

一掬兒童數樹涼
兩三梳子野花香
荒山赤日相違處
便是天台見石梁

澗上居人

路澗作橋魚作屋
行人初到已冷然
全家寢食涼瑯上
韶濩聲中過百年

四月五日解維成都連日行淺灘中或遲或速如
在東中遊湖甚以為樂初九日過龍爪灘兩江
合流江始深舟人至此歌呼鳴櫓作發船離岸

之聲余始愴然覺身是行客頗有離索之念
青林茂瀨密縈洄喚作蘭亭載酒來忽聽江深發鳴櫓
始知身是罷官回

峽內三絕句

峽內為生絕可憐那知世上有平川生身未識三冬雪
仰面惟看一席天

峽內居人種石田種成蒿蕪待江船船頭老嫗悲聲甚
只博茶醎不博錢

千崖無樹作炊烟，峽內為生也可憐。
探水得柴如寶藏，賣郊成俗滿村船。

瞿塘峽

家住東溟狎巨濤，今年三峽試容舠。
瞿塘闕下驚危甚，一席已天浪許高。

宿巴羊峽

夜榜巴羊聽水聲，江南幽夢到吳屏。
賀家湖上黃梅雨，四面荷香入畫舸。

過峽州宿青草灘

烟裏鳴橈去夕陽不堪風急滯歸航無端更著三更月
一夜孤篷一寸霜

二十五日徽市路口居人皆驚櫛具及風藥

家家藥榜丸朱墨處處綵繩習比去聲梳我有沉疴并宿
垢亦思從此日祛除

荆門十二背詩

瞿塘閣裏異乾坤石峽山深日氣昏行過西陵天亦晚

浪平風緩下荆門

重過習池

征鞍重過習家池橋下泉聲又索詩待洗一杯春酒澆
為君吐出碧雲詞

南嶽路口懷胡氏兄弟

奕奕神山照遠天羨人家在此山前待儂了却公家事
來借書堂十日眠

虎道飛亡不計年舊巢雙鳳故依然靈巖草木皆堪敬

莫作尋常到嶽前

阻風泊江州對岸

城下看山不見山
東風吹我過前灘
橫陳廬阜滄波上
十二雲髮得細看

江陵贈蒲衍人

未赴成都先夢到
繞逢蜀客便心親
江陵一見蒲居士
似向嚴家訪阿遵

次韻謝尚書贈曾衍人

淡墨當中即八神衆星環寫象秋旻逢人只說中和孝
莫道鳴珂翼由紳

出江陵北門便有詩思

反閉柴門謝絕詩二年強飯慰肝脾朝來威遠門前路
已被渠儂聖得知

過臺

馬卿幾日西山客已有新詩著道鄉指點東城笑僮父
半年無句寫瀟湘

平菴悔稿卷十二

平菴悔稿卷十二

平菴悔稿卷十三

括蒼項安世平甫著

七言絕句

重午餉菜楚俗也鄧撫幹以詩來謝次韻答之三

首諫從俗人

大家朱書亭午時小家艾人張天師惟有書生最窮餓
盤中日出菜離離

萬錢食君君不嘗一飯愛我供寒漿不盡三生蔬笋氣

鄧侯風味似支郎

鄧極
好佛

蜀客登來屈子城
九歌重見筆縱橫
不妨秋露澆春菜
只可從渠學獨清

言不必獨醒也
秋霜江陵酒名

次韻和黃江陵重午二絕

天全

門前帖子蟲書小
壁上仙人虎脊高
欲起沉疴無舊艾
枕邊霜鬢日蕭騷

老便蜜粽加食易
病却蒲根細嚼難
繫腕只餘心似結
沫芳誰與臭如蘭

大旱小雨

白水連天九澤渾

江陵雖有大江不足以救旱夏秋間堤外常苦水堤內常苦旱故首句及

之平田五月獻龜紋北人未識黃梅雨千里爭占赤土

雲

荆俗呼雷為赤土雲

稍覺絲絲來萬弩如聞隱隱動千軍夜窻一霎聊堪睡
來救田家卒歲勤

橫州路口小雨詩

三十年前遇此時一雙青髻綰青絲如今舊雨猶相記

只榜星星白髮吹

小雨棘張升之

夜窓疎雨不堪聽
獨坐寒齋萬感生
今夜故人江上宿
如何禁得打篷聲

自子陵市尋路入游上泉三首

距荆門軍
十五里

去年雨宿巖陵市
咫尺風烟隔上泉
今日山神方信我
不將塵土到菴邊

千年玉水問深林
十里重岡隔世塵
猶恨子陵饒舌在

却當戶口告行人

君看酒盃沈蒙泉玉氣珠光夜索然可使黃塵車馬容

更將此地世人傳

荆門軍以蒙泉為賣酒之所

梅開次韻荅葉教授二首

南叔字叔昭

雨洗晴烘雨行梅朱朱白白盡情開不須更到東亭得
讀罷君詩似看來

春風一點暗驚梅便有千花動地開却似德人方寸事
等閑流向筆端來

酬答復州葉教授

南叔

先生來赴洋林期正是尋花問柳時
偷把春風舞雩曲薰葭江上避人吹

泉環章甫古冠衣解佩江邊結伴嬉
應共遊童春浴罷詠歌喬水錯薪辭

復州在漢江上

陸子泉頭春水生一甌新乳雪花明
喚回明照山前夢

起對庭花忽自驚

復州有陸子泉葉曾從呂卽中學於婺州明照寺人學者方諱之

竟陵寒盡轉春風
壇杏株株林泚氣通
惆悵江陵紅白樹

年年幽獨伴鄰翁

韓退之上江陵詩云居鄰北郭古寺空杏花雨株能白紅

送襄陽馮主簿

書來雍府不相忘
中有清清小作行
一似峴南車上讀
眼中行色有輝光

老子當年起瓏閭
豈知零落向華顏
秋風喚起神洲夢
猶憶平生戴與田

不隨黃綬去仇樓
歸著親前五色衣
安得紫皇知此意
喚教霜鳳帶雛飛

和趙主簿韻賦桃花

曷日鮮晴啓土乾川原遠近踏春寒詩人不問花開落
為雨為霞總受看

朝熱弄

棧樸光光早麓逸為薪為楨合種天山牆野店茅灰裡
熱弄須臾亦可憐

新月

窺人半面出脩眉斜傍船窓作意低已被江妃偷畫得

一灣清影臥寒溪

次韻孫僉判試院中秋詠月三絕

鸞駕乘風上玉清
青冥風濕瓊英我時獨笑無人解
四海諸公共此期

揮毫可但佐檄文
照破平生種種塵
一點清明知古鏡
八方圓轉似車輪

此夜清光萬古同
自開塲屋幾番遊
如今壓倒詩人後
不許狂僧打夜鐘

乘月入城

秋天無雲淨玉色水風帶月搖金光此中三十六萬里
容我緩轡歌清商

入江西界

行過中村五里頭湖南地盡到袁州荆南更在湖南外
一片白雲天除浮

贈彭術士

答舒湖水檻前簾開闔山光舍後簷幸有湖山供卧起

莫將世味較酸甜

湏水春深戰未停
廬山秋老夢方寧
與君起有平生怨
挽向兵間說汗青

還劉叔驥廬山詩卷

劉家子驥我鄉人
洞口桃花獨問津
歲時他鄉逢叔士
杏林花發小陽春

潯陽江上督郵誰
能使陶公去不疑
今代廬山非昔日
督郵能酒更能詩

遊白鹿洞書院

南方凡三書院

曾依嶽麓聽鳴泉亦泛朱陵石鼓船
所欠平生惟白鹿
暮年來此豈非天

雪晴

顛風圍屋暖盈襟滿意成霜却做陰
昨夜風休寒徹骨
晚霜呼日上平林

夜來露重謝嫦娥造得清霜爾許多底事
日高猶未落
看他青女嫁羲和

夕背

僂坐前簷曝午曦一襟和暖似春時無因得共田夫此
直獻君王更不疑

過豐城三十里始見田廬坐落

石坑東畔好田廬更著青林映帶渠新喻豐城三百里
中間蕭索獨何如

新喻道中

新喻清江西縣幾荒岡漠漠使人疑江南道上誰為比

湖北京西日暮時

銅陵縣步

二年三過銅陵縣
欲採蘋花意自羞
他日夢中應記得
淺山衙縣水衙州

阻風茅山港

日日南風費挽牽
江神知我意悠然
小舟隨水隨風住
不羨千帆上水船

我非汲汲馳名者
何事區區逆浪間
三釜及親須約束

可辭為客下茅山

鳳凰臺

鳳凰何處不歸來
衰草斜陽只廢臺
欲喚謫仙歌一曲
長安今日更堪哀

夜泊聞柳

昨夜天聰門外泊
不聞朝鼓只聞柳
三年一覺青雲夢
始覺人間味許長

次韻蘇主管青溪十絕句

十能字千之

與君相別若耶溪十載湘航與蜀梯
恰到六朝行樂處
臺城東畔必亭西

不分詩顏著病魔一杯薑酒汗滂沱
須臾下筆風雷吼

寫盡清溪曲曲波

蘇是日感風同游者
沃以姜酒故錄却作

日西何事客歸遲
等看娟娟一寸眉
却是嫦娥太誇容
和宮推出桂花枝

雨餘溪水十分盈
更著秋潮數寸生
西浸夕陽東浸月
併於池雨作鮮明

風前月放玉盃圓
雨後雲施翠縷纖
月要鍾山全體見
雲師只肯露微尖

多謝西風設綠綺
不教一點動琉璃
併留楊柳春時葉
總向琉璃四面垂

清溪元有幾家灣
留得如今一曲淺
六代舊人無處問
只餘淮水與鍾山

牆頭紅旆醉傲傲
大將防江出六奇
我自中原行鐵馬

他時此物不勞施

是日大閱戰艦

不須北阜與西涼城裏溪亭勝得狂風過靜觀波治亂

雲間門看月興亡

城北鍾阜城西清涼寺皆金陵勝地

老翁何處已藏仙想跨寒驢短轡夾來往段冢池上路

只今枯柳尚鳴蟬

青溪在荆公渠中為段氏別業

送潘都幹仕臨安

西子湖邊桃葉青潘郎歸騎拂春星金陵風景憑誰有
留得閑人住治亭

次韻潘都幹元夕

春草萋萋六代陵
元宵風景屬殘僧
街頭年少單無事
共點油錢放塔燈

元夕二首

臘雪初消御路乾
暖風吹面不成寒
月華滿地春如酒
不是燒燈也合看

墮劍遺弓淚未乾
斷蓬漂梗不知寒
月明正在行宮上
猶作瑤墀舊夢看

春陰二首

好風疎雨淪紅塵
收拾殘花作翠陰
春色不隨桃李去
一川濃綠正深深

烟花淡淡雨聲息
雲脚疎疎日影紅
桃花作雨梨花雪
春在綠楊芳草中

臥病

庶纖小雨濕相欺
病客無悰晝掩扉
自轉坐屏遮午枕
一念寒夢繞親闈

病起

不分春風太廝入
欺起來花絮滿城飛
可能不待詩翁
出直作堂堂取次歸

贈劉正將

南字武子

柳亭門戶劣三間
詩伯封疆自一寰
批判秋風勾夜月
抨彈淮水徧鍾山

宿雲門寺贈張武子

絕憐雪屋張居士
日日空牆掛食簾
吟到古人辛苦處
囊中不得一錢看

又贈劉正將

南

義山仙去飛卿死今代劉郎以字行吟到江都燕堂曲
一生深處許誰明

三十七歲初見白髮詩

親朋相見忽相驚綠髮朝來白兩莖若此商州王副使
預先攬得一年生

王元之在商州有三十八歲初見白髮詩

出山

又隨寒日下平林黃葉山頭紫霧生六代興亡祇此是

吾儕閒健且長吟

田間觀雨憶葉正別舊話

風中晚稻離離長
雨後高田晧晧流
此樂世間誰共賞
淮西使者正防秋

過淞江憶鄭虞任

獨上吳淞第四橋
憶隨鄭老駐蘭橈
白頭鬢鬢平生處
一盞寒泉賦大招

主台州崇道觀

蓬萊別後六經春
新賜丹邱作羽人
恰似昔人東望處
蓬萊經隔幾由旬

讀本朝史有感十首

若訥希文受責均
前賢初豈有冤親
暮年頽上還惆悵
引得無窮射羿人

力薦資深入栢臺
獨延吉甫客翹材
如何歲晚鍾山寺
只見黃州副使來

晚遭呂范攻尤峻
死關荆舒恨未銷
舉世共非前漢議

無人細考後尊堯

非獨蘇仙念老窮古靈亦復薦孤忠白頭不得請公力
惟有西塘八十翁

師道在三烏可畔友倫居五豈容虧恰方譽瓏俄傾瓏
亦有尊願不掇願

京攜劄子丹誰頭始發私書族幾家天上那無黃背子
人間豈有白桃花

未諫瑤華世未知故人已許道鄉遲退之著論羞傷早

不符陽城伏關時

重簾復辟身居穩
送呂迎章話又新
臨得庭中相泣者
難瞞屏後竊聽人

翻來覆去幾枰棋
靖國崇寧各一時
前日雕籠樓宿者
等閒飛過蔡家池

愈作唐經還蓄縮
豈知漢事謾唼囉
假今寶錄成書了
其崇雍邱問日何

平卷悔福卷十三

平菴悔稿卷十四

括蒼項安世平甫著

七言絕句

自武義入松陽道中三首

家家私未與香紅
客子飡腴復醉醲
但使普天無橫吏
人間何處不春風

黃霧漫天作曉霜
征人相顧失顏行
離然未快還鄉眼
鞋底沙泥已是鄉

四十里欄縈一線上侵雲物下驚湍我行竹客源頭路
蜀道青天不作難

出三坑口望松陽一首

鷄犬桑麻自一同四山環縣作幾封一坑路口一回首
石壁蒼林千萬重

新晴

日日霜晴客路乾
征人歡喜不辭寒
素娥青女相憐甚
將母歸來道路難

天陰欲雪

仰天再拜乞冬晴十縣租人要入城些子中間私意處
此身方在客中行

回家有感

秋田犁罷老農閒歲暮無營只閉閤愧我西來復東去
新年贏得鬢毛班

春日途中五首

未說離家日日晴離家三日雨如傾津頭小吏詢名氏

但道當年改墨卿

一派清江兩岸平
濕雲將雨暗
柴荆十年一覺
荊州夢

通濟江頭

沌音

冢裏行

破艇衝風去似疑
短篷經雨漏如篩
無端更著連宵雨
火似波神得厭聲入欺

湖海今年最倦遊
春來新上浙西舟
天寒歲暮錢清路
又踏嚴州向婺州

微風急雪點微茫
漁消江邊工客航
逆水趁潮如順水

他鄉送客似離鄉

立春日離家聞有台試之命

東行就日北看雲君寵親恩兩繫心
畢竟萬羌何所補不如留著在山林

病牙 二月旦日

去年胃口辭瓜果今歲牙單怯稻粱
飲食於身已無幾更須身世見斬裳

淳熙乙未食科是夏再中教官得紹興府教授秋

平菴悔稿卷十四

三

末還家待閑時揚樞密為帥送程先生赴省八
絕句 楊祖字敷仲

元祐真人第九春王顏驚喜識荆人如今鳳質龍章士

又合掄魁作近臣

畢狀元
江陵人

雪中草草漫裁詩沂國平生已可知今日功名付家壻

百花頭上更何疑

先生沂
公家壻

向來多士首何方此學巍然道有光付與能言子程子

莫教章蔡更專場

先生治尚書何澹方恬皆以書
作省元章公周禮蔡以春秋

諸公奉詔遙豪英翰墨聲名要老成誰敢一錢經衛尉
直須傾蓋贈先生

五星高會記當年笑語噓江夜不眠今日江頭看獨往
人生聚散亦堪憐

霜風冱策鼓黃盧滿眼吳江舊去途夢到月明天闕處
夜深泥宿故城湖

夜醉巴河酒滿船曉冷盃浦浪掀天回頭已作三年夢
應笑當晴尚少年

江南官路接天開
五月長安賜第回
若見門人舊題處
亦須披拂記曾來

次韻蘇教授飯鄭教授五首

蘇十能字千之鄭鈞字平國

臥龍山下鹿門居

紹興有臥龍山千之自號鹿門居士

消得幽人一草廬

更有勝如蒲萼處
榴花香裏看芙蓉

隆中在荒曠中無此景物

瓊枝璧月夜爭新
玉粒雲沙歲有陳
列屋萬鐘祇此是
更須騎馬傍何人

采蘋堪賦有齋詩
稚子談經已大奇
翁但綠陰啼鳥下

敷牀眠到日西時

冀息吾家老鄭君三年孤鶴困雞群
天教北地蘇司業與對當時鄭廣文

三生杜牧垂綸手渠自長安障目頭
我意從來端易敗分司御史莫來秋

初三日解維

隱隱金鉦解岸維昏昏紅日下田陂
朦朧霧裡底纖雨妝點行人去國詩

失題

夢回似覺前身誤
脫罷便尋芳草吟
吟到夕陽人不恨
滿懷風露本無心

田間草花

十里五里望不斷
白花紅花俱可憐
無姓無名天下樂
自開自落亦中仙

有感

抱石親征澤潞時
艱難猶想舊間基
官軍不守河陽渡

回首橋山淚欲垂

重陽前一日大風雨

天公著意做重陽
風伯驅除特地忙
掃盡殘花與紅葉
教教籬菊占秋光

重九以棗餠餉孫司戶名清攝沙市稅務

滿城風雨近重陽
應為征屢墮渺茫
要看詩來壓奇字
試拈公案示孫郎

十月旦日上塚過清官避雨二首

紫紵白道轉城腰寂寞垂楊倚盡梳獨自練光亭上坐

淨慈烟雨看長橋

淨慈臨安湖上寺

一機寒水山吳綾數幅荒林老畫屏却恐秋光太憔悴
照天宮佛拒霜明

疑雨

泉聲瀲灩轉山隈錯認山頭急雨來赤道千尋上青壁
恍如驚電掣雲開

雪中得兩聯不能成篇

海嶠風高雲散鹵塞垣寒極地生硝雨花滿坐來天女
寶唾垂空下阿嬌

梅

只消數點著枯枝不用東君一葉垂任是雪深烟更密
清香依舊世人知

水仙二首

川后水幢下碧湍玉妃前導駕青鸞素羅襦下青罷帶
碧玉簪頭白玉丹

小窓寒夜見水花骨冷魂清夢不邪
簷蔔花頭萱草樹
只應常在野人家

睡起

春半閒窓午睡酣夢餘瑤篆晚香殘
起來磨墨花盈硯
勾得東風上筆端

阜亭山

西湖南北寶峯環塔寺園亭碎點斑
不似北閩門外著
更無一物說青山

雨中早行

春烟漠漠雨霏霏
山路人家未啟扉
剛把平生青篛笠
江南道上著征衣

春晴步出東城

山北山南草漸青
去年雙鬢只星星
春風不管游人者
又到江頭白下亭

中秋阻風二首

二月當官八月來
先生官意本哀頽
乾坤老大知心久

正卷悔稿卷十四

日日南風滯去梳

四無邊岸貼天流
八極光中一釣舟
不是南風解留客
世間無此好中秋

中秋後新晴對菊病體欣然

籬日疎疎煥薄寒
簷溝無語曉庭乾
不須更恨中秋月
且得黃花仔細看

嘲青女

乾地成霜水地冰
薄冰頑白厚冰清
阿婆老去鉛華少

西抹東塗畫不成

除夕諭鈴不雨絕句

江邊梅柳自知新
病裏形容只向陳
春色不干枯木事
明朝賀歲莫通賓

莫將新歲使為新
絲仗春幡不動陳
末轉東風猶是臘
明朝賀歲莫通賓

壽母生朝四首

二月十八日

堂成初見畫簷新
碧瓦翬飛上綵雲
三尺寶臺蒙錦帕

平菴悔稿卷十四

白髮貌頂翠氤氳

藤纏蘭佩擁藍階綠髮朱顏照酒盃
九十九洲春色聚
老人星動壽筵開

良辰好景占年年畫燭濃香醉玉船
天上月圓三夜後
人間春列萬花邊

兒孫遙指菊花辰
自詠菴中慶誕人也
向此司同此日
八千秋對八千春

集杜句為光母壽三首

腐儒衰晚謬通籍中有高堂天下無但願樽中九醞滿
絲服日向庭闈趨

玄圃蒼洲莽空闊安得赤脚踏層水秦城樓閣鶯化
南極走人自有星

禁城春色曉蒼蒼花氣澤如百合香萬歲下秋奉明主
南極老人應壽昌

方太君生朝四首

二月十四日

夾鍾琯裏聽春聲天上瑩篔簹次第鳴數到一弦弦是處

蓋家機畔慶長生

月姊飛來二月天
萬花香裏十分圓
誰教婺女星知道
一夜攬先照畫筵

不須蟾桂一分圓
自有春花萬種妍
歲歲年年長壽酒
海棠開後牡丹前

天邊雁草記年華
一日東風一莢花
春到平分爭一莢
庭萱吹出碧雲芽

二十一第壽二首 三月二十一日

肇開元聖千年學曾是吾家七歲童門戶只今須自力
詩書排日看新功

歎兄齷齪身全老喜弟生梅臉正童色要如童長不改
學須似老始多功

荆江漁父竹枝詞九首和夔帥 侍郎韻為荆帥

范侍郎壽 二月十一日

第一歌頭緩緩催且看漁父壽圖來天明轉向牙旗外
六千里地繡屏開

二歌漁父壽杯寬荆江亭下到臨安更將海水都斟却
淺得蓬萊始好看

三曲漁人厭壽茶新翻榭樣織茶花白雨紛紛下江海
翠浪滾滾開龍蛇

四曲漁人壽燭明明在水雲連處生荷天老木朝朝斲
照海金波夜夜清

五曲漁村壽樂多隨天隨小聲和和蜻蜒蛺蝶淺深舞
燕子鶯兒長短歌

六歌漁父壽詩聲一聲聲帶竹枝情大枝千歲不改色
小枝孫子滿林生

七歌漁父壽香堆花霧深深撥不開水邊借得春風送
荷花吹上戟門來

八歌漁父意難忘廟見壽域通八荒只開雲夢一梯米
何似渾鷗音命開太倉

九歌漁父好思量願得壽星朝帝鄉壽十二廟寸閔尺
演億萬年元節章

平菴悔稿卷十四

平菴丙辰悔稿

括蒼項世安平甫著

五言古詩

送鄭尚書罷帥歸福州

共惟漢從官三仕屈吾指前軍有鄭公後來王趙耳更

生初去國

淳熙壬寅趙與直侍郎出帥閩

玉色欣共理我時見一葉已

識秋風起明年兀載去

癸卯鄭尚書知建康

容落真復爾王師凜

孤鶴獨叫青雲裏下有萬伏竝開雲看白雉前年鄭公

平菴丙辰悔稿

來癸卯冬來紹興初論是可喜謂書生聯璧共舉漢綱紀三年

越山中不使度此水低頭用朱墨得去真晚矣况當少

天官風木赴淮涘

王蕙仲侍郎以夏去

一時東都空物理固如此

此行閱世運時可慰門里下有賢寓公上有名刺史

趙侍

即尚在福州

想見閩父老懽喜履折齒雖然廟朝舊迹遠心

自適公行見趙公此語式舉似有事當辭聞毋忘漢天

子

次韻儲檢法送行

時余將起潭州

別去動經年相過但旬日會心能幾何歡意忽已失何
年峴山頭此主復此客官回便重到我齒已半有侍立
四顏紅豈有今日色坐中六七子星散那再得念之意
已動況此真遠役秋風洞庭岸落日賈傅宅主人九霄
上悵望雲雨隔回首叫蒼梧知予正愁寂

中秋不見月

重雲悶佳月世謂天公慳一年待一夕一夕但開顏持
此窺大壚何如管中斑兩輪駕宇宙萬世浩相關不知

幾中秋來徃于其間中間一晦明瑣細不足剛惟應一
樽酒慰此清夜閒閒識月好懶醉罵雲師頑客去我自
寐悠然夢高舉斫却婆婆林永斷寒蹠踰

次韻謝資州侯巡撫

學道或五窮談兵有三廟人情市門朝世態狙公暮坐
今直躬人稍作折腰步侯郎器如此可使終不遇奇文
鏤周鼎妙質反高輅忽辭魯諸生去學漢都護應憐世
高低強逐時好惡下璞獻逾三顏歟空已屢回看枝本

冠嘆息半生誤一朝著戎服萬里志橫鶩漢庭多巨公
文武且千數胡為滄海頭有抱不住新投暗枉明幾發
蒙勞善喻光芒隘蓬華黼黻滿謙素鵬扶會高舉翮翼
安足附似聞資水涯已有鶴書赴

陶淵明醉石

石君匪招陶陶子豈知石偶然一醉間成此千年迹常
時素心人鄰里今誰宅悠然獨君在入我晦翁室翁去
三十年伊余復來客山岵道之前崖路久以蹇攀綠出

平菴丙辰悔稿

三

藤蘿指點見鬪蹤想當酣卧時不記苔蘚砌無論牛馬
後况說有刁尺持盃薦寒泉嘆息書此墨

二十六日下山觀勝業寺禹栢偃臥地上分為九
枝

人言禹時栢是石何必斫要知是古物少亦逾千年盤
盤九龍子春尾何蜿蜒疎髯挾雷雨度骨舍風烟居然
負世望淡若依老禪紛披苔蘚中偃息魚鼓邊不知億
萬人饑餓長呼天我欲箋上帝六丁呼使首九龍分九

州各值所治田膏澤皆要足陰晴無敢愆如此豈不善
天心應謂然

七言古詩

江陵為劉陽柳氏作雲山書院歌

院在雲居山下

山中何所有雲氣長悠悠院中何所有書冊滿高樓登
樓首雲復看書千古萬古同卷舒子於其間樂有餘我
今為子言其粗陰闔兮陽開乾蓋兮插與白衣兮皎皎
蒼狗兮須臾崩騰兮龍見消散兮尸居如臂之出伸如

足之疾徐實理諒不昧顯微同一初呼吸為雅頌吁俞
為典謨支支離離兮萬物散口翕翕繹繹兮天地交字
三百八十有四爻兮竒與耦二百四十有二年兮衰與
誅日日自有條業業自有株子以為一兮粲然而萬有
子以為萬兮坦然而一途吾是以見雲之書而書之雲
子之烏知書非雲而雲非書以此壽子身壯作老息神
不枯以此貽子後博觀約守世不渝大哉此院雲所儲
苟無其實名不虛誰其任之非子歟一翁二季相携扶

題張以道寒綠軒

種杞與菊採天隨語為名其凡
號雪隱居士

君家雪牕小溪曲溪綠牕寒當家足如何拋却老師兄
別向天隨參杞菊杞經言暖不言寒菊譜聞黃未聞綠
君從何許得此竒定是雪牕三十六金英浮蟻我無分
玉火吹根人所逐只殘雨葉與風枝給與詩人當田祿
困將冷艷沈眇眼飢把芳鮮檀雷腹招逸朋友最宜茶
搞設妻兒聊當肉和軒喚却人不爭吐出新詩更清穆
時時夢把密州印千步球場寔賓屬吟魂正作蝴蝶飛

靜纔珍業嘒寒玉覺來柑几一欣然何必窮閭減華屋
五言律詩

自黃州赤壁拋過三江口危甚

直打磯頭上橫拋江口開水將天共去風與浪俱來人
歷船艖正竿牽帆索回長年誇好手不道客心灰

送潭州陳運使一首

傅良

薄命直如此茲行始識公從來半生願不畀教勾同官
事理頭過江船轉眼空可能傾蓋地直作急流中

惜分頻卜夜此意我知公古事多疑信令人足同異何
年操非几二月坐春風但記忽忽字深題大帶中
公每謂予
赴事大
忽忽

滙澗吳太皇廟 零陵初隸蜀後呂蒙請取還吳

行間得子明笑裏下茲城好漢人難識寧郎鑿濁清溪
坐薦村酒舟子問江程頗憶濡須否風樞作戰聲

小塘道中小雨二首

元日暄如許新春氣未齊懸知當作雨多謝不成泥頭

有高低坂人如上下梯更晴三四日可以到湘西
隱隱輕雷動昏昏野市迷嫩雲時綻日暖雨半合溽時
節新裝束人家小鼓聲晚來秋路看往往醉如泥

小雨

小雨散炎毒微風生早秋清涼人意足厭浥草光浮夜
枕夢新熟曉照梳不收茅欄聽好語香稻起西疇

陳信民求詩

子合陳平甫吾當項信求食兵吾不媿門轍子方貧老

眼觀斯世多情尚若人相過無遠近元不計冬春

次韻鄭檢校與胡教授論詩

古詩七狗曲新樣入桑間論稍經坡谷人方散拉顏詩至

子美字至魯公晉集大成坡谷云然天機轉杼袖僧袖忌爛斑妙處無多

淺從來造物慳

謝張堯臣秀才惠詩 詩人張武子之弟字以道

原缺四字

古不要世人憐碧甃千尋綆朱絙五十絃鼎

來三影句印脫一心傳依約雲門路寒驅几瘦肩子與張武

平菴兩張海高

子游雲門
今十年矣

次韻送應秀才往池舒二州

瑤琴彈古曲何事有哀音
客子道途遠棘人霜露深
齊山同雁宿天柱共猿吟
二枚高仁問歸來滿孝心

挽善化沈令

榮祖

十八年前夢宜却簿郎
君沙頭能過我客裏暫論文
久別欣同事方離失群
隔宵猶一見千古遂相分

夔門逢令季溫浦接賢兄
幸甚交三沈茲焉共一城
解

詩談到髓聽公筆如傾豪快今安有哀哉不久生

挽枝江朱學諭

詞

身受儂軒詩兒修涑水儀百年生也直三嘆古之遺處
易歎冰峭回難見惠私此風今遠矣吾涕自漣而

七言律詩

善謔驛浮于髡墓上有木斜出

辟疆

辟疆齊宣王名

老去重堪嗟千里堂堂表海涯取士但能

籠自鴉諫王安用學砥毒祇言魯國賢無補豈識齊卿

實未加不見只今墳上木多年老幹尚傾斜

習家池

習家池舊臨官路今路改而東池半入驛吏引

自桑林中往觀因記所見

步入荒林問習家江吞古岸入平沙枯池舊歲猶生藕
病柳新年尚著芽草上醉人眠未醒桑間遊女笑相遮
東風倦客生情性佇立殘陽看落花

次韻張部門直廬觀梅

張直閣新除監部門

不是生前有俗緣等閒拋得傍湖園多情省戶寒梅色
為洗朝韉曉凍痕頗記高堂金字榜曾陪居士瘦藤尊
花前斂板談官事知犯新條第幾門

張君梅堂御壽堂
額又談七十六條

如禁言時事
差除之類

休日值晴張園觀梅同舍不期而禁

王照堂前富貴梅倚春騎臘未輕開費他一月春風了
催得五分花意回恰是佳晴難放遇偶然勝士得追陪
君看好景天還各一夜輕雲帶雨來

平菴丙辰悔稿

九

次韻潘都幹水晶筍二首

幕中安得野人園，種此晶瑩白玉丹。
冷淡雖無九春分，風流還得一冬看。
銀盃共色深宜酒，紙帳圍香未怕寒。
只向河陽種桃李，今時潘勝舊時潘。

莫遣秋霞到晚園，怕將鉛臉照成丹。
落英但可如冰嚼，口色惟宜帶月看。
清似雪霜仍耐久，老於籬落不言寒。
一枝合是閑人插，四海知懷鬢已潘。

又次王醇甫聞人主簿二首

野柯陶令喜歸園瑩玉靈均眼變丹朝飲夕食和露摘
東籬南岫帶雲看仙方舊說南陽壽異色新添雪水寒

水晶

誰道玉郎偏愛竹也來同枕數今潘

用今日潘懷
縣來把菊花

枝
亭

花莖枯槁陋東園底葉蕭疎笑并舟環面釵頭人服媢

盃脣盃口客爭看

四物少以
菊花為像

照筵水贈光同潔

水晶
繪

餘

坐戎鹽色並寒

水晶
藍

誰道仇香但棲棘也吟時菊總江

潘

時菊耀秋草
潘安仁

平糴為辰悔稿

十

次韻王醇甫藏亮筆三首

臯祖有功平水土耳孫無宅寄丘陵
吞因蒙氏收微效晚向秦皇謝不能
逸少憑渠取舒鴈阿思為爾遂飛蠅
王郎世契真如此莫訝為儒却愛僧

黑頭期汝作東亭短髮愁予對杜陵
髡者此時今守積穎乎平日爾誠能
屢題秀句文如鳳幾注仙經細似蠅
可是詩人偏受惜詩人雙鬢漸成僧

剡剡蘭臺綴不亭翩翩鷄鵠健相陵
少時鋒穎先毛遂

晚歲頭顱嗣祖能，杜老壁間留掃馬符。
王官裏罷棲颯，莫欺貧士無檀施。時向文房度一僧。

五月七日乞池州添倅得請

羣玉峯前罷校書，九華山下試匙輿。
三年飽共鈔黃語，一日去從水墨居。
秋蒲謫仙臨賦後，齋山小吐醉吟餘。
薄才漸愧風流地，繭紙新抄雪不如。

讀程仁秀才淳熙奏藁

字堯仲

孝皇當宁納髦英，志士擔簦入鳳城。
直犯醉顏知主聖

平麓清風集
五
敢譏當路見時清文章不用施花草情寶都如告父兄
老向窮樹知不恨曾披閭闔吐崢嶸

都下送外勞任知縣赴茶馬司倅

皇華萬里赴臨洮親向君王乞騎曹合為聖朝修馬政
可容窮色試牛刀橫驅旌節半天下自許才名一世豪
早晚西來八千四九重何以答賢勞

茶馬司所統馬驛
東起臨安北門西

至西和州宕昌寨
西北二窰界上

次韻李士衡失醉送公行赴調二首

世事從來亦偶然何妨濁酒且中賢
諸天入定憑誰問
五色迷人自古傳
謝客堂中勞夢草
謫仙市上且開船
飛鳴款作三年計
好在秋花晚更新

此篇冠
士銜

向來翰墨付羣兒
直把行藏待主知
風引去帆聲獵獵
手調焦尾意遲遲
遙知夜宿吹簫處
恰是春深造榜明
預恐阿婆愁見我
略須回馬避旌麾

此篇送
公行

用前韻勉陳進之赴省

癡翁切莫強答兒之子
勤勞我所知
但看匡衡穿壁苦

誰云宵越讀書遲能來伴我滄浪艇共看一年橙橘時
莫為小喬淹壯志千軍白羽坐堪麾

送張子真還鄉待邵州闕

今年新拜李邕州又見君為邵郡侯何是朝廷憐遠俗
獨子湖廣用名流南軒學待真傳繹樂澗家須舊業修
衣成少賒元不惡自因二事人歸休

紗詩

芙蓉供邕更供絲緝就沙溪水面漪疎密整斜於雪似

香輕軟細與風宜
集裳妙得靈均意
織薦新翻蜀客詞
喚作似花還得否
只應花却似渠伊

過王師嶺
見荆門郢州山

七澤茫茫千里間
王師嶺前初見山
西子嵯峨高髻擁
詔荆東隣嬌小秀眉彎
謂郢州山
背裏阻郢開肩背大野青
天豁面顏獨立東風看
平楚少年雙鬢欲成斑

六言絕句

和王安撫六言十首

堆案平腰萬軸消磨不盡詩情定應是我輩語擲地當
作金聲

西牧村風流老翰林裡供奉人去之雖五百歲斬新料
敵堪覩

從來賜達由果不說島瘦郊寒政譽迢迢小范詩名歷

倒方干

小范方二
皆會稽事

脫腕流泉纏纏忘懷大智閑閑學蘇二季十二笑山谷

陳後山

雅頌意久不聞周孔業將遂堙若與滅繼絕說不妨動
地驚人

詩聲長角則震筆陣戰功曰多自抽天上機杼不落人
間白科

玄思上窺姚姒後塵肯逐梁齊誰言今世第一我自古
人與稽

小人區釜并斗明公鐘鼎尊壘難學將軍競病且隨寒
士歎推

三
苦心自在阿堵聖處誰知寧馨佳句忽來天外恰能當
當亭亭

超來此事盡廢少日論功未深欲覓仙人一指要看月
勝天心

再和

湖海崢嶸老氣風雲慘淡高情可惜元龍雙鬢江南江
北詩聲

聽說忠臣孝子不論往事今人木上淋浪清淚一生長

為君親

望海亭前句遠遶萊閣上詩寒老子向來椽筆要題吉

日斯干

少日心隨鷄上長平身伴鷓閑昨夜松聲到枕夢魂踏

破天山

嘆息五陵翁仲春來草路長堙鉅鹿空懷故將海山空

著詩人

豐年官事無何梅月詩情最多白水暗添漚界青苔亂

平菴丙辰悔稿

十五

長松科

文命生乾癸甲祖龍死惑燕齊齏齏秦山易譏茫茫焉

六難稽

禹六秦望山
皆會稽古迹

廣文已荒郊屋彭澤浪晒虛壘二頃平生幽願一犁歸
處深推

麥熟帝聲未了藕花醉魄還聲只靡跳九日月何年檢

王云亭

聖處耘耔日淺俗閒封泔年深蚤歲襟期何許如今翻

愧初心

三和

易簡乾坤正理寬
平雅頌真情何處如今更有壁間牀
下秋聲

某良士某良士古之人古之人名利坐中讐敵詩書千
載交親

義不作學進解分應有坐客寒自省開斯未信何言頌
祿須千

作者向來十數名隨草木俱堙聖賢生世不數文章何
代無人

萬古垂名豈敢三年賈俸長閑有酒似陶元亮無愁學
吏子山

公詩百戰萬選人才三少為多若許追攀及格稍容積
漸盈科

典誥殘于勝建聲詩失自韓齊一言蔽思無邪三萬解
曰若稽

大國并吞江漢小家垂罄
拼蠶食滴但又手揖沮溺
漫窮年推

族望與濯俱遠時名似蘭
斯馨枝老誤期懷祖作公
定穎東亭

老子於此淺先師教我資深
但使發乎情性何愁嘔出
出肝心

四和

此世方當出手君侯渠得忘情
莫磨買山高論行哉破

平菴丙辰悔稿

七

竹邊聲

百年可惜幾見一代何能數
人下馬賦風雅頌上馬看
疾毒親

風節言言邁往清詩字字高
寒竒古珊瑚碧樹英明玉
戚朱千

考古廳廳似見談王易易如
閑政爾威之馨處卧龍恰

稱茲山

卧鸞山會稽郡治之山

九澤道來無事五行汨後徒
堙但使民皆忘我誰言州

解勞人

周家石鼓嗟峨從臣才藝心多所期喚起雅頌渠止鑄
成隸科

復讐萬古明義寸及終屠魏齊等裡誰知范叔車中暗
逐王稽

遺老宜責梁食內家卷耳饒蠶長穀能行萬里君王不
憚親推

漢家樹業如許君王神武能罄夷吾可但江左楚囚誰

平春雨後悔稿

對新亭

一州如許斗大四海望公則深事業本無奇巧聖賢只
有虛心

七言絕句

次韻葉教授小院宣中瓶梅二首

半瓶水水一簪梅的探寒花教點開疎影已從燈畔見
暗香時向夢中來

暖冰融雪浸疎梅養住春風細細開相賞阿成清到骨

風流元自竹林來

祠山廟

方願火目世髯士百世廟食祠山宮男兒生世不自立
死作餓鬼何時窮

錢唐道中望越州山

隔江東望越州山七載重來喜破顏却數故人今幾在
一襟清淚濕潏潏

晦日出長安關

平楚雨長海鶴

長安堰口長安關一度經行一斷魂
不道秦川在何處只驚行色在中原

久雨

一春流水斷前街重閉柴門養綠苔
惟有杏梁雙海照知人曾到十洲來

偶作

草枯葉落四山重萬里長天一日空
數點寒梢著紅蕊人間驚喜見春風

次韻謝張安撫以詩送梅實

子顏

此物從來作計疎
洛陽櫻笋正馳驅
絕知不可時人口
只有微酸惟腐儒

水邊籬落數花疎
馬上行人且勿驅
一墮冰盤永相望
故人憐我誤為儒

葉間烟雨尚踈疎
桃李盤中怯並驅
忽見使君憐此味
始知時世未輕儒

夢隨清淺有扶疎
軍將敲門報疾驅
此解可辭兒女笑

使君風味似寒儒

沈醫送苔梅自云恨不能詩

但能為我送苔梅何忍新詩予自裁若使能詩有奇句
無因送與冷官來

雁汊望舒州山

歸帆拂掠皖公山一略青城立翠鬢曾見劉郎射蛟日
插天旌旆照屏顏

自贊

將軍下筆狂
族功羽箭賢
冠事不同
桐栢官中狂
道士
救回洲上病漁翁

平菴丙辰悔稿

平菴丙辰悔稿